

И доброрасленную отрасль от него учиши.  
 В благополучный же час буди от нас царю-государю слово заложити,  
 И таковою милостию нас грешных одарити.  
 Как тебе невидимый бог о нас известит,  
 90 И сердце твое благоразумие озарит.  
 И да воздаст ти господь многократною сторицею,  
 И да всегда будеши покровен невидимую его десницею.

(ЦГАДА, собр. Оболенского, № 250/455,  
 лл. 227 об. (308 об.)—230 (311)).

### Послание 2-е

Вскую укоснел ми по сие время к твоей честности писати,  
 А всем нам повелевает друг от друга любви искати.  
 Солнечныя лучи вселенную осиявают,<sup>а</sup>  
 И друзи бо вернии много добра сотворяют.  
 5 Люто воистинну люто без друга жити,  
 И внешнее житие в нищете проходити.  
 Юхание благовонно сладостно входит во обонянное чувство,  
 Любление же дружие подает многое доброразумство.  
 Вервь триплетенна едва преторгается,  
 10 Обаче и друг верен не изменяется.  
 И паки верну другу измены несть никогда,  
 Понеже сердце свое в друзе своем имеет всегда.  
 Червленицы и багряницы царские дивно есть зрети,  
 Юза же любовная друга ко другу не мнее<sup>б</sup> того мнети.  
 15 Червит<sup>в</sup> виссон тоже царское одеяние,  
 Есть же друг верен творит многое добродееяние.  
 Распинается убо за друга своего везде,  
 Не помышлеят же убо о погибающей той мзде.  
 Ей воистинну ничтоже вящши друга верна,  
 20 Царя же небеснаго и бога милость неизмерна.  
 Статир драгий удивляет очеса,  
 А друг верен украшает правдою свои словеса.  
 Восток сияет многими благоуханьми,  
 А друг верен словоет добрый своими деяньми.  
 25 Травы и цветы украшают сушу,  
 А друзи вернии услождают тело и душу.  
 И что ми много о том словес плодити,  
 И честным твоим ушесем тягость наносити.  
 Ей вижу твое к себе сердечное рвение,  
 30 Любит бо господь бог нелестное дружие любление.  
 О нем же должны есмы всегда пещися,  
 Молю же твою честность, чтобы тебе от нас жалованьем своим  
 не отрещися.

Господь бо и бог повелел всем тако жити,  
 Иже бы друг друга нелестно любити.  
 35 Ей без любви ничтоже добро творится,  
 Творяй же ю в царство небесное вселится.  
 И zde уже акростида<sup>г</sup> стала,

<sup>а</sup> Испр.; в ркп. осиявает.    <sup>б</sup> Так в ркп.    <sup>в</sup> Червчат (?).    <sup>г</sup> Так в ркп.